

Things we must do for society to beta



The Small King, Jay C. I.
Pidgin English

www.littlekingjci.com

Pidgin Erstaussgabe

Titel: Things weh we must do for society to beta

© 2018 Friedhelm Wachs

Umschlag/Illustration: strichfiguren.de (Adobe Stock)

Autor: Friedhelm Wachs

Übersetzung: Oyakhire Ikhuemein

Lektorat, Korrektorat: Sabine Schierwagen

Die deutsche Originalausgabe erschien 2018 im

Verlag: Metropolis Medien Verlags GmbH, Leipzig

ISBN: 978-3-7479-0075-8

Das Werk, einschließlich seiner Teile, ist urheberrechtlich geschützt. Jede Verwertung ist ohne Zustimmung des Verlages und des Autors unzulässig. Dies gilt insbesondere für die elektronische oder sonstige Vervielfältigung, Übersetzung, Verbreitung und öffentliche Zugänglichmachung.

Bibliografische Information der Deutschen Nationalbibliothek:

Die Deutsche Nationalbibliothek verzeichnet diese Publikation in der Deutschen Nationalbibliografie; detaillierte bibliografische Daten sind im Internet über <http://dnb.d-nb.de> abrufbar.

Abeg helep us tell we tory for as many language as possible. Helep translate this tory for your local and regional language.

by Friedhelm Wachs || Senator #62758
European Senate President 2018/2019

Translation: Oyakhire Ikhuemein
Language: Nigerian Pidgin

E get one time wen one small king dey.
Him name na king Jay.
He just dey vex from morning till night.





As he look round, watin he see na people wen dey raise shoulder, everybody dey from big man and nobody dey take care of the other people wen no get anything. The ones sef wen be king no dey even think of the people, na lonly dem dey jolli their life dey go with plenty enjoyment.

This kind mata get as E be!

The small kind wan change am because E no good like this at all. He wan make everybody dey Jolli especially the small pikins dem and for those wenget business.

Even as everywhere no be as he want, the
small king still want jolli too, he wan go play,
make him too see as this life sweet reach.
But how E wan take do am by himself.

He think the mata taya, then one idea come
enter him head.





He come dey ask himself say; "why i no fit talk to other kings wen get plan to make this place beta and jolli too."

I fit learn some beta things from dem na, and e go make me succeed?

As he think finish, he pack him load then enter road, travel long journey meet other kings for their palace.

The queen wen get cyam colour come tell am say:

Great people no dey ask watin their country fit do for dem, but dem go ask demselves watin dem fit do for their country. Na the koko be dis, if you do am you go dey happy.





The journey long but E sweet, but as things
dey road the small king no stop.
He continue to dey go.





The green king come tell am say:

No be 1 day dem dey comot mountain for road, na to dey comot the stones one by one. Na to start the first step naim be the first thing, every other thing go follow. We fit achieve this goal wen United Nation Put for gound say. Peace dey Possible.



As th small king think am, he come see say
e good. Na to start naim be the koko and
everything go change.

Naim he continue the journey again because
say ginger don dey.



The red king come advice am say:



For market people dey sell stick wen dem take dey catch fish but dem no dey sell fish, small king come think am say; what if the people dey sell fish? Dem go fit make money o and if dem dey make their own money, thief thief no go dey again. And no-body go beg again. Na freedom be that na.





As he think am like this, him belle sweet am
because this thing go help the people.
Na so he continue the journey with smile
for him face.




The purple queen come tell am say:



The best thing wen person fit get no be property like big big house or big big moto. Na the way the person dey behave and how E take dey follw people live wen no go bring quarrel. The more wen u dey train your character u go see say u go dey do better things for your community.

The small king come think say; If i train
my character from small pikin till i old.
E go good o, this one go gimme mind incase
of anything and i go fit follow my
community people talk.
Na so he continue him journey.



The blue king tell am say:



Great person no dey look face if he dey rule.
Dem dey give everybody the same treatment.
Na if u give everybody the same thing naim dey
go say you be better king. No be the one wen be
say if your friend commit crime u go tell am say
make he dey go. The law na the law and every-
body equal for front of the law. Law no get
friend and E no dey look face.



Na this one dey make people happy wen dem dey live together, wen be say no be only your friends go Jolli with you. Everybody suppose jolli. Na the koko be that. Na so king Jay C.I hold the mata strong and continue him journey.



The orange king talk say:

Anywhere you go there with all your heart, anything wen you do get better value only if you do am with the whole of your heart and mind.





As the small king J.C.I say make him look up, he not fit believe watin him eyes dey see. From far place naim he dey see one house wen big and fine well well. Shey he don reach house?


He don travel all around the world without any katakata and wuruwuru. And the kind advice wen he get eh, na the best.

King J.C.I no waste time at all, he just sharpaly dey do all the things wen the kings and queens teach am and all th advice wen dem give am.

He come let him people travel too so that dem go get the kind experience wen he get.

Say mak dem do good to people and make dem jolly to. Make dem allow people to visit dem too. Tell dem watin dem fit do and watin dem no fit do.


And dem see say life sweet.





The other kings come see say dem too don learn many good things from the small king Jay C.I. they even happy well well because say the small king no keep any secret from them. He tell them things wen go make thier own kingdom better and everyday this world come dey better.

One day all the kings come meet again, they do party throughtout the day and night and dem teach each other watin dem need to know. Dey even give demselves names. Na Jaycees dem call themselves, because na the name of the small king be that.







And because the meetings make sense, they come to say they meet two times every year.

They place when they meet to name them: they call world Congress, regional conference and National conference, and even for the smallest place when be local, they manage to still they talk to make them continue to be peaceful.

Las las they come get way wen dem take
forget those people wen dey raise shoulder
for them.

The Jaycees come be one happy family.
And they come dey laugh together.







From this, people come join hand together
to make sure say thins work well.

All the kings write watin dem get for mind
one by one and they come create the small
small rules wen go make their happiness
stay:

We Believe sa:

- The faith wen we get for God naim be the number 1 thing for this life, and naim dey make life better.
- If man, woman, boy or girl dey stay for community peacefully, things go better. And nations no go fight again cos na love pass everything.
- Everybody deserve justice and na person wen free fit do all this kind better things.
- Make the government stand gidigba cos every man must obey the law.
- If you serve other people, na the best thing for life be that.





We wan show the power wey JCI get. We be one kain diversity wey no get version anywhere else for this world. Each of us sabi speak our country official language come sabi our mother tongue, father tongue, regional language and tribal language join.

Make we show them!

Abeg help us tell we tory for as many language as possible. Help translate this tory for your local and regional language.

Biko, send your translation to:
book@littlekingjci.com



www.littlekingjci.com



ISBN: 978-3-7479-0075-8